

# "De bëlt um ins": abia as ist gònjen der convegno

DRAI TO EN PALAI VER ZA KLÖFFEN VAN SPROCHMINDERHAITN

Si è svolto nelle giornate dal 10 al 12 ottobre il convegno internazionale "De bëlt um ins - Il möcheno e altre lingue germaniche: strategie e prospettive". Organizzato a Palù del Fersina, ha visto la partecipazione di 28 relatori, provenienti perlopiù da Italia, Austria e Germania.

Molti gli impulsi ricevuti dalle relazioni, in particolare in merito all'insegnamento e all'apprendimento delle lingue di minoranza attraverso strumenti innovativi e digitali. Il futuro delle lingue locali si deciderà anche attraverso il loro utilizzo sulle piattaforme digitali, sempre in un'ottica di plurilinguismo, dove accanto alla lingua di maggior uso si valorizzi anche la propria lingua di minoranza.

Der internazional convegno "De bëlt um ins", gahöltet en Palai va de 10 finz as de 12 van schanmikeal, ist gaben an bichtegen moment ver za verglaichen se asin tema van taitschn sprochminderhaitn. Vil de relatorn innagont, de mearestrn van Balschlönt, Osterrach ont Taitschlönt: de hom klöfft va bos meing tea' ver za stitzn de sprochminderhaitn haitzegento. Der convegno ist kemmen organisiert van Bersntoler Kulturinstitut, pet de understitz va de Europeische Union. Der tréff ist gaben a toal van projekt van PNRR gahoasn "De kröft va de sprochminderheit: s bider augea' van a taitsch dorf en sud van Alpn".

Oa'n van temen vorstellt ist gaben der sèll van digitaletn verpesser ont naia tecknologi. S bersntolerisch as ist en de mitt van doi verpesser: vil sòchen sai' kemmen schoa' gatu', öndera sai' nou za tea'. En de jarder as kemmen, s ist runt bichte za stitzn naia digitaletn strumentn, bavai de sai' vil pracht van junga. Ver za tea' dös, s ist bichte za hom guata naia ideen, ont en de glaiche zait s ist bichte za klaus.

au vil datn, pet untersuchen ont interviste. Dös bavai de tecknologischen strumentn va haitzegento hom de noat va vil datn, ver za meing órbetn van peistn. Ver za stitzn s doi auklaum va datn, de innrichtn hom schoa' ausgem unterstitzn, ont hom schoa' ausgarotn naiòrbetn: hoff ber iaz as s glaiche kimmp gamöcht ver de sprochen minder kennt abia s bersntolerisch.

De lokaln sprochen misas hom de sai'na digitaletn strumentn, abia de app vern telefonidl oder de internetsaitn, ver za meing bern ont gea' envire en de jarder as kemmen. Oa'n van sòchen za verpessern iaz ver de sprochen minder kennt, van balspil, ist de automatisch ibersetzt. An öndern rif ist za prachen de lokaln sprochen en de social, abia Tik Tok oder Instagram. Van convegno s ist kemmen aus runt de idea va mearsprocheket: s ist bichte za prachen s balsch as de socialmedia abia Facebook oder Instagram, ober s ist bichte za prachen de sai' lokal sproch aa. A sproch minder kennt abia s bersntolerisch ist a pahalter ver ölla de lait as lem en de inger Provinz, ont alura s ist a guata sòch za lóng sa kennen as de social aa. De öndern temen vorstellt van relatorn sai' gaben: schual ont didaktischn strumentn; verpesser van musealsitzen; gschicht van sprochen minder kennt.

Tréffen abia der doi sai' bichte aa ver za verglaichen se zbsichn taitscha sprochen minder kennt. Pet de zömmörbet kemmen aus naia ideen ont naia strumentn, bichte ver za stitzn de sprochen. Der convegno ist kemmen aroganommen ont s ist moglech za schaung en as de internetsaitn, abia de sèll YouTube van Bersntoler Kulturinstitut.

NICOLA OBEROSLER



Letauf BKI

# Promuovere l'apprendimento precoce delle lingue locali: conferenza a Bruxelles

EVENTO NATO DALLA COLLABORAZIONE TRA LE PROVINCIE AUTONOME DI TRENTO E DI BOLZANO CON L'UNIONE FEDERALE DELLE NAZIONALITÀ EUROPEE



foto Ufficio per i Rapporti con l'Unione europea della Provincia autonoma di Trento

Giovedì 3 ottobre si è tenuta a Bruxelles, presso la Rappresentanza comune della Regione europea Tirolo Alto-Adige Trentino, una conferenza sul tema dell'insegnamento delle lingue minoritarie nell'età prescolare. L'evento è frutto della collaborazione tra l'Ufficio per i rapporti con l'Unione europea della Provincia autonoma di Trento e della Provincia autonoma di Bolzano, e la FUEN (Unione Federale delle Nazionalità Europee). Il titolo del convegno è "Regional and Minority Languages Teaching in Pre-Scholar Age" - "Insegnamento delle lingue regionali e minoritarie nell'età prescolare".

Gli interventi hanno messo in rilievo il valore delle lingue di minoranza come patrimonio per l'intero territorio, nei loro aspetti culturali ed identitari. Ne consegue l'importanza della loro salvaguardia e valorizzazione, anche nelle nuove forme dettate dai cambiamenti digitali

e dall'intelligenza artificiale. Quest'ultima può rappresentare un mezzo per favorire l'apprendimento scolastico, attraverso la promozione di pratiche didattiche innovative. Hanno partecipato alla conferenza in qualità di relatrici anche Patrizia Cordin, docente presso l'Università degli studi di Trento, e Claudia Rubatscher, Ispetrice per il plurilinguismo presso la Provincia autonoma di Bolzano. È così che, accanto agli altri interventi, sono state presentate anche relazioni legate al nostro territorio e alle realtà delle minoranze möchena, cimbra e ladina. È emersa tra le altre cose l'importanza della competenza bilingue come "metacompetenza", che proietta i suoi benefici sulle capacità cognitive generali. La competenza bilingue e plurilingue rappresenta un elemento di forza per il singolo, dai punti di vista cognitivo, identitario e sociale. La conoscenza di una lingua di minoranza

ha incidenza sulla competenza lessicale, metalinguistica, e allarga i suoi benefici fino alla sfera sociale, andando a migliorare il senso percepito di appartenenza alla propria comunità. L'apprendimento precoce in età prescolare è stato il focus dell'intero convegno. La conferenza ha suggerito strategie per la promozione dell'apprendimento delle lingue minoritarie. Un campo su cui intervenire è quello educativo: è emersa l'opportunità di investire nella formazione di educatori e docenti, per incoraggiare l'apprendimento e l'inclusione delle lingue locali nei vari contesti in cui il bambino è inserito. Ambiti familiare ed educativo sono dunque le due realtà centrali in questo processo di apprendimento precoce delle lingue minoritarie.

NICOLA OBEROSLER

# Viarungen MUSE as vremma sprochen ver za stitzn de mearerkultur

VERN JOR AS KIMMP,  
DE DIGITALETN VIARUNGEN  
VAN MUSEUM BARN  
SAI' AS BERSNTOLERISCH,  
ZIMBRISCH ONT LADIN AA



Foto archivio MUSE  
Museo delle Scienze

Der MUSE ist gaben der erste museum va Balschlönt za prachen an digitaletn strument va mearsprocheket ver de pasuacher as kemmen va auslönt. Haier, vern doi strument gahoasn "Viarung MUSE laicht za lesn", sai' kemmen zuagleik öndera vinva sprochen (albanesch, arabisch, kinesisch, rumenesch ont ukrainesch). Vern jor as kimmp, der Museum van Bisschöftn bart zualeing

aa de drai sprochen minder kennt va de inger Provinz, s bersntolerisch, s zimbrisich ont s ladin. De numere van lait as hom schoa' pracht de doin digitaletn strumentn en MUSE sai' groas: mear as 9.000 pasuacher hom aroganommen de innhöltin, en an oa'zegej jor. De digitaletn viarungen sai' umansist en internet; de enteressiartn meing nemmen sa aro petn telefonidl.

De internetsait bou za vinnen sa ist de sèll van MUSE. Ver za paroatn de doin strumentn, der Museum van Bisschöftn hotz zömmgaörbetn pet an ettena studentn van schualn va Trea't. De studentn hom zömmgaörbetn geltsgott en an Projekt va bëcks! schual-örbet, as ist ugaheift en merz 2023. An ettena ibersetzn sai' kemmen gamöcht no en delear va de vremm sproch ka schual;

an ettena sai' kemmen gamöcht geltsgott en de kompetenz schoa' gahöp van schualer. Van balspil, de ibersetzn as arabisch sai' kemmen gamöcht pet de hilf va studentn van arabisch muatersproch. De studentn sai' kemmen gaholven ver de ibersetzn derbail en gönze projekt van sai'na learer; oll souvle de sai' gònjen za pasuachen der MUSE, ver za kennet guat de austelln za paschraim ont derklörn, ont meing asou paroatn klöra tèckstn.

De schualn as hom zömmgaörbetn en doi projekt finz iaz sai' gaben: ver de ibersetzn, de Sprochhoaschual Scholl va Trea't; ver de ibersetzn ont vern audio, de Bisschöftthoaschual Da Vinci va Trea't; ver de grafik, de Grafik Institut Haile Herz va Trea't. De hom zömmgaörbetn no en an auziglprojekt aa de Earsteschual va Tione ver de ibersetzn ont de Hoaschual va Sprochmediacion va Trea't vern audio.

NICOLA OBEROSLER